



乾隆己丑重鐫

嶺南陳

份古邨著

水  
風  
詩  
集

慕荊樓藏板

皇朝新集卷之二

皇朝新集卷之二

皇朝新集卷之二

皇朝新集卷之二

皇朝新集卷之二

皇朝新集卷之二

皇朝新集卷之二

水原集梁序

一

鄒五山外家也君月夕茶


鼎酒博微陸文之唱和而此也

亦相与忘机各遠其性其聲

衡元之心當數十卷如百也

公先後有出此稿獨利成快

水原集刻成而無是也



十餘年矣余少時常從諸  
君子及較正校札遺年餘論  
安承先生獎厲也後與  
真如季如耳自乙丑來  
先生捐館後遂遠遊數載  
歸而絮板已蝕於蠹先生

水原集梁序

二

門下士於中魏特以領水原  
集其生平得力者以內名  
流凡見其家詢及原板遂  
深自刻畫以承先生志述  
憾族弟拂如慨然曰是子  
也吾終未及也過尊視於

君子之於神也如兄弟也志同  
道合以居鄰數世如夕  
道遠路遙時見其佩飾如白  
之狀心竊慕也令人情而詩  
存性以詩書暗魏以之得傳  
授之無有也如神此心真不

水庵集梁序

三

謀而心也其集補刻吾不能  
讓其於人也其集所好  
先生之詩其所以板敗世  
存先生傷其孝子之心志傷  
矣其嘉拂其成人之孝  
併其道詩其神父之志也其

先生名在五四之家譜  
三子及許柏堂先生之  
詳矣余何有發其為序  
皆

乾隆己丑七月望日

賜進士出身有直大支原任

水原集梁序

四

都河南湖廣四川廣東  
三省原年以之在湖廣  
試官浙江杭州府餘杭縣  
知縣年為審世姓字景璋  
於其打撰



三徑蓬蒿衡門晝掩忽傳家道璋自鳳山走書  
見示亟啟緘知其尊人古邨先生水仄一集久  
遭剝蝕家拂霞以州倅將謁選於都憮然曰  
倘沾升斗之祿鞅掌簿書誰為龍門史記揭酒  
醅者遂捐貲重鋟今幸告竣以吾稔知其先君  
子盍一語嗚呼微道璋言予何敢忘憶戊寅之  
秋黔陽魏庶常叔明奉恩給假省親吾粵過  
予言昨躬謁吾先師墓與三世兄語及水仄集

水仄集陳序

一

三世兄泣謂某不孝手澤僅存禍遭蟲蝕片板  
無存窺其意若有大不安者師門德教愧無以  
報力為補刻此事豈異人任予曰唯叔明者  
魏司馬前南邑明府次公子也無何司馬即世  
弟明兄弟扶櫬急歸予與道璋邇年音問亦疎  
寸心耿耿蓋予雖不足以辱知先生而得薰炙  
於先生者實數十年如一日何者先生曩隨先  
人移家羊石子祖元孝公開晚成堂與諸名公

長歌短咏時予方總角則見有詩最早成衆賢  
屬目擊節驚為異才先大父亦咲謂此吾宗後  
起之英私心竊志之自此予知有先生矣後數  
年聖取二家兄負笈從先生遊予亦稍長初學  
為聲詩每得句必就正先生商酌去取先生亦  
不以予性疎愚輒謂孺子可教於是白雲珠江  
之勝或春風或秋雨先生未嘗不親執牛耳號  
名四方予亦如邾莒然所在多從壇坫暨先生

水原集陳序

二

歸里後丙辰 恩科登賢書二場擬表兩主司  
嘆為通場壓卷用為進呈一時才名益籍丁卯  
落第南歸復寓仙城客舍益肆力於古著作無  
虛日於是燕齊吳越之士來遊吾地者莫不以  
見先生一面為快本府安邑張公大將軍遼陽  
阿公先後親到拜謁道思慕延主師席大將軍  
內陞魏司馬曰吾可覲面而失之乎即携兩公  
子恭迎到署坐臯比開絳帳者又歷年所予故



識魏公子因招合一時朋輩共結詩文課有所  
作多先生丹鉛而甲乙之先生又常挈公子兄  
弟朝夕過予晚成堂掃石微吟評論古今人物  
詩學源流又嘗歆選吾粵人詩彙為一大集公  
質海內事未果歲乙丑先生捐賓客今屈指又  
二十餘年昔雨前塵不堪復道二家兄已先卒  
於龍游官舍聞叔明去年亦作古人弟子芭譚  
一時逆謝何有子雲之予竊謂人之不朽在乎

水原集陳序 三

立言而亦幾幾乎委于荒烟蔓草此意何能一  
一問諸彼蒼也予初識拂霞今者慨然有此舉  
也固先生之靈心血終不至泯沒拂霞其亦吾  
家之傑出者乎寄語道璋予曾見先生後十數  
年詩才益富學益邃惜無由記誦盍更力為搜  
討使水原二集連珠合璧與斯集而並行焉斯  
固善繼述者之心亦善成人美者之心也弟華  
封祝三頓首拜述

原序

嶺南詩派自張曲江倡為正始  
之音繼之者皆守而不變即在  
宋元亦不囿於風氣洎乎前明  
彬彬稱盛我朝聲教誕敷揚

水原集序

一

風乾雅之士尤多傑出曩嘗課  
士學宮見一二吟咏之作雖天  
資學力不同而趨向既端波瀾  
自廣殊不似近人標新領異必  
欲盡變唐人之面目也陳君古

村為金滄觀察文孫金滄公著  
有南墅集在隆嘉時與歐虞部  
袁民部黎秘書為詩并樹幟中  
原世稱嶺南四子古邨纘承先  
緒風雅淵源益有自矣多侍其

水庵集序

二

大父司李先生稟受經學益以  
拓其心胸尊人友桐君又復潛  
心聲律自歲薦後謝志名場吟  
興愈癖今讀其晏園集遊羅浮  
艸多膾炙人口古村趨遑之暇

鳴陰子和自髫歲即已卓然有  
聲向住郡會為郡中知名士四  
方遊粵言風雅者皆屈指古村  
造門請交冠蓋相望也余攝順  
篆後會古邨亦移家歸里政事

之餘多所唱稭未幾余返三江  
暫寓郡之仙湖其門人張子隆  
鄂鍾子仰脩來謁出其水廛集  
一卷且曰是吾師所命請正大  
人余讀集中諸體悉備而且雄

深雅健將駕前輩而上之非於  
此中深造而自得者不能宜乎  
萬蔣諸先生多為擊節非阿所  
好也余久侍 內廷頗力於詩  
又獲與當世名公遊幸資聞見

水居集序

四

竊謂燕臺人才之藪如古村詩  
亦當分一席帙中古體諸作氣  
力軒舉浩瀚大觀時賢皆當俯  
首古有識古村詩者當不河漢  
予言耳不揣固陋譌弁數言亟

語二子蚤付剗剗氏使讀古村  
詩者矧正始之音尚在人間益  
見嶺南風雅代有傳燈非特白  
金丹砂石英已也康熙壬寅姚  
江同學弟櫻儼譔

水庵集序

五

粵臺風雅振於屈梁陳三家  
吾友古邨陳先生年十六  
隨尊大人徼居邨地方是時  
屈始謝世梁陳則旗鼓相望  
壇坵之會先生與焉同時之

水原集序

一

彥如王梳山吳金茅何北田  
梁二樵徐滢洲周乳峰吳白  
園皆齒先於君君詩成衆皆  
驚宗之風韻不以能飲見家  
也其年相若者則汪庶岡曾

雪谷梯東舉張太初黃古青  
廊葵伍白伍郭苾亭紫亨兄  
弟松陵除韻唱酌九無虛日  
中間余以薄宦在外踪跡遂  
濶北歸別諸君子相繼下世

水原集序

二

獨先生與鹿岡兩幟猶存今  
樹於禪水鳳城間今之碩果  
矣迨乾隆丙辰奉 詔舉博  
學鴻詞之士於是 方伯薩公

觀察龐公 郡伯劉公並呂



先生與余同薦給驛船供養  
食送至端州制府鄂公設  
酒西署來鶴堂既酣出松卷  
摺子作金鑑賦江城如畫裏  
詩授東者二十一人余謬叨

水原集序

三

斯選先生位並為歎賞願以  
母夫人老堅不然是歲六月  
隨薦章至京未幾先生亦  
以計偕奉諸貴人既歸耳先  
生名造門請交者冠蓋相錯

而先生猶退焉豈不足間語  
余曰士不幸以才見小矣奈何  
又藉以通賓客為且是道也  
所以抒寫性情將使千秋下  
讀生詩如見其人焉必殺氣

水原集序

四

落盡始獨呈其真區區目前  
之譽不足憑也吁先生之見佛  
矣今歲其所從學詩之士梁  
子景漢卓卓乎浚縣之美多  
留心於先生之詩因舊本漸

就磨滅遂却生前後所作授  
之梓人以余與先生交好出  
以相示余不猶憶曩者都  
門話字是名山之藏也先生  
於是乎傳矣後之覽是詩者

水居集序

五

將必得其性情之所在予去  
庸後替一詞惟叙其自小迄  
生平所相與吟咏之盛以見  
風雅淵源之所自且以紀余  
兩人交遊之雅離合之概也

遂不辭而書於簡首乾隆  
七年壬戌秋七月望後三日  
易山同學弟許 遂頓首  
拜撰



水尽集序

六

*[Faint bleed-through text from the reverse side of the page, including characters like '水尽集序' and '六']*

古邨少時與余共井甃  
衡宇杳望兒齒未落  
擁篲門簾咏兔月下  
佳賓遇之咸謂許公  
有子矣及長隨其  
舅父夏樹先生遷居  
邨

水原集序余一

城之東鑿沼栽花柳  
簾捲月著書暇與諸  
名士一觴一咏共樂  
於葑亭竹塢間當是  
時彭觀察席上十娘  
所唱琵琶新詞歸東  
臯所

外皆古邨詩也迨尊人告  
逝返居中山之麓值余告  
休林下復與邑中諸君子  
結社鳳山或宗鼓斫或擬  
蘇陸古村獸夷然不屑思

水居集序

余二

此寔表置身蓮花峰上吹  
玉篴牙龔松風聽者若慚  
与帝池牙笙簧迭奏也見  
吐詞幽雅清冷屈曲岩水  
成波幾令對者悄然而悲

深非他人可學而全矣及  
丙辰恩科高舉於鄉與  
履光鸚兒同上公車踏此  
彭澤舟經黃河觀名山之  
勝槩觀宮闕之崖峩過

水居集序余三

滕王所唱伊邠歷孔林而  
親禮樂襟褰落一身次洒  
然高奇者或變為堂皇深  
秀者或競為風雅燹其興  
之所發筆之所至而為之

冷然所善流水高山怡情  
別卉在矣余嘗竝轡周澗  
逐電荒凹良鞭頻下戎馬  
虺隤亦猶學步艱艱者緩  
不能肖也斯女寧步吾武

水原集序

余四

焉猶未失吾足也蓋古村  
以詩不拘一格安出口軌  
有妙緒沉雄中風韻仍古  
嫣然所為古今諸體靡不  
真躋堂奧由其蓄於古者



夏和楚歌重疊香州  
所無可擬者哉  
昨歲將馬  
晉都門行  
至南昌以  
老所返於是開門掃却一  
切將箭獲所化補殘缺輯

水居集序  
余五

新篇不日  
時地不日  
平月  
古風近體  
隨其先後而編  
之付之梓  
或以余者  
英會  
老少同  
居又育  
姍親之  
形問序  
於余用  
書數言  
以

升於晉是為序  
乾陸至成  
九夏望復二日  
望百老  
余錫純琴瑟



水原集序 余六

余題

大夏望復二日望百老

升於晉是為序乾陸至成

水原詩集總目

上卷

梁序

陳序

櫻序

許序

余序

賦

水原集目錄

古樂府

五言古

七言古一


七言古二

下卷

五律一

五律二

七律一



七律二

五言絕

七言絕一

七言絕二

填詞

水原集 目錄

二

七律一

五言絕二

七言絕一

五言絕一

七律二

水原集賦

嶺南陳份古邨

姪蘭芝拂霞重梓

七星巖賦

維天地其寥廓兮肇禹跡之茫茫辨九土之疆  
圻兮奠厥服於要荒命羲叔以宅交兮通湟水  
於滇陽隸揚州之貢賦兮分牛女之精光挺五  
岳之崒嶽兮飄紫桂之芬芳稟離明以懸象兮

水原集賦

一

盛火德於南方走崧臺之礪砢兮開石室之堂  
皇削芙蓉於千仞兮迴複道之羊腸矯玉立其  
森森兮臨萬頃之湖光紛菱苕其牽風兮落菡  
萏于橫塘貽杜若於下女兮紉湘蘭之秋香撥  
魚媵于丙穴兮動蓮唱於牙檣伐馮夷之鐘鼓  
躡駕海之鼉梁控蒼虬以爲馭訪仙人於璿房  
憇高臺以扶笑擘流霞於帝鄉握飄搖之杓柄  
挹藍橋之瓊漿爾乃陟岵岵窮躋攀數九郡眺

八蠻雨暗蒼梧烟暝風高羊石雲還引牂牁其  
若帶瞰信安而如環盈眸兮禾黍匝地兮闐闐  
雲車紛其出駕洞府鎮其長閒豺狼遠其嗥噉  
苔蘚長其爛斑閉玉書於奧閩封芝檢於層巒  
時或巖幽宵永夜月澄輝下雲邊之笙鶴過天  
中之龍儀崔嵬燦如雪阜晶森厥其銀扉至如  
日月晦蝕風雨晝昏峰頭鎖霧谷口屯雲龍躍  
淵而未返鬼嘯風而時聞若夫發春桃於洞口

水尽集

賦

二

泛胡麻於中流離支然夏霜莢橫秋關梅冬發  
香入巖幽四時佳興千古名邱分窈冥於禹穴  
減風物於瀛洲亂曰巖之高兮高莫極石爲室  
兮苔爲壁石乳嶙峋翠欲滴命雷師兮掃前途  
招子遊兮樂我適

廣北遊賦

客有不得志於京師者比歸以賦示余因  
取厥意廣之命曰廣北遊賦始陳壯麗繼  
歷紛囂而終之以恬淡之適惟飄然物外  
斯其所以可遊也非敢夸盛用以續貂

但見博大爽塏繩直砥平左環滄海右擁太刑  
居庸後聳河濟前縈沃野千里天險重局星分  
箕尾鼎奠神京水甘土茂性樸材勅山則盧師

水原集

賦

三

獨秀神嶺玉泉平坡五華潭石棋盤仰覺香栢

孤駝綿靈

叶連

水則大通兩湖高粱盧溝

叶居

龍泉

拒馬固安濕餘黃父玉帶五里飛魚周村沙谷  
洗馬直沽產饒黍稻鹽鐵綿梨銀魚橐本齋金  
畫眉頻婆桃李榛栗桑柘地椒白芷窠蒜將離  
蔓荆參朮從容丹皮蟾酥煤石瑪瑙琉璃金銀  
丹錫玄精白瓷水晶土碌黃鼠狐狸蒼鷹俊鷗  
豹尾麝臍厥有橋梁安濟大通盧溝馬市廣濟

青龍玉河海子萬寧朝宗走黃花鎮達大喜峰  
馬蘭三十一口固分沙阪古北二十四關壯峙  
黃叢星羅碁布電繞雲從皇圖鞏壯天府表雄  
宮壺罷滴九門朝闢萬雉巍巍崇墉屹屹氣象  
萬千道里四十中列宸居恢宏赫奕紫金爲城  
白玉爲甍玳瑁其梁申椒其壁臺竟雲齊樓將  
星摘陸離丹朱交輝金碧而神武而左掖而保  
和而建極擎金盤立銅狄蟠青螭蹲白澤俯瀛

水尽集

賦

四

洲臨太液九卿列棘六曹分衡上林京兆宗人  
大行木天黃閣五府藩屏銀臺烏府國子先生  
錦衣旗校騰虎永清玄都櫛比白業魚鱗九衢  
曠達萬國欣奔車行雷厲馬逐雲翻父老告余  
曰此京都之壯也爾有乘堅策肥文茵暢轂阿  
閣連雲朱門彌陸三市鬪雞廣場踟躕朱鬣追  
雲銀襜擺幅頰茜唇丹黛青鬢綠畫輻辟人文  
旌閃目雪點衣痕塵連馬足赫壯顏行整飭牙



燾身佩翎刀腰懸魚服賈勇少年假威豪僕異  
樣風流軍裝結束不盡鶉衣躡蹻踏踈擔簦負  
書懷刺抱牘客楚仲宣入秦張祿亦有范卜陶  
朱牽車挽犢坂峻波洪霜嚴日酷鍼末爭羸蠅  
頭剝肉襪穢胼胝黍梁種陸疏湟成城飛芻挽  
粟他如擅淫奇鬪繁縟按檀槽挾絲竹振新聲  
揚妙曲鉢咒潭龍雷驅符籙黃冠巍峩紫衣歷  
錄將作所司冬官之局勞勞攘攘奔奔碌碌名

水原集

賦

五

爲之驅利爲之逐甘赴如飴樂趨如督何喪何  
得寃歸蕉鹿嗚呼噫嘻振古如斯菌豈長朝戈  
難反熹沉冥靜照免受其罹吾與子遊飄然欲  
仙崕峒靈窟玉室洞天伊人可卽至道相傳琴  
鳴高峽練掛飛泉經懸丹壁永養蒼烟獼猴猿  
鶴蕙芷蘭荃優遊卒歲樂以忘年吾與子遊金  
臺覽古門名銅馬碣傳石鼓樓桑沉雲玉田迷  
雨古廟靈官華陽侍女薊邱雄關漁陽牧圍荒

寂竇莊蕭條柳塢成國名園惠公雅圃蠟屐頻  
携杖錢誰侶吾與子遊臨風懷人昭王尺土樂  
毅孤墳劉琨闕王賈島藏文莫不霜橫墓草雲  
斷石麟牛羊長卧鼯鼠成羣言尋遺廟半就荒  
湮柴市文相昌平劉蕢三皇南市楊令密雲建  
功策績仗義成仁遙瞻冠履蕭薦藻蘋仰舒清  
嘯激發天真行患不立名懼無聞又何必謁金  
闕揖侯門辱重隸叱守闈如客所遊性情非故  
面目不存也酌子叵羅不辭酪酌少濯塵纓寧  
醉毋醒重脂爾車駕言出嶺

水原集

賦

六

弔韋水賦

康熙戊寅二月二日鄧京爲夫子覆舟溺於韋水明年暑月甲辰朔份有事於韋會鄉人修競渡補端陽闕事也連日陰風怒號似颶非颶越哉生明士女雲集兩河無隙地日停午風益駛往來遊船輒以溺告蒼茫宵靄中咸驚有丈夫朱纓素服駕長鯨衝波騰躍前後金幢翠葆爲之導從渡

水原集

賦

七

人振鼓從之不覺遂闖馮夷之宅未幾亂流而出有老漁詫曰疇咎之春覆舟所溺鄧孝廉者數月以來朝烟夕嵐煮蒿悽愴時露光景得毋其英英之氣無所發抒將於此昭靈耶衆怪其說將欲罷會份止之曰昔靈均懷石後人哀之五日競渡非漫遊也今茲之舉將以爲鄧夫子吊不可乎于是命榜人揚舡至溺所酌酒於江投賦

於渚詰朝而天日晴霽水波不興遊侶樂  
甚因次其事貽諸知己非敢誇筆墨有靈  
用紀一時異事云爾

命難謀數莫悉定亦移正亦忒地東南天西北  
夏霏霏冬號號上官榮三閭溺吁嗟先生兮罹  
此極也吊先生今年少時玉山屹立裁丰儀文  
章繪繡爛紛披鷄壇聲價早驅馳筆花璀璨光  
離離鈎深索隱無不之吊先生兮當壯齒扶搖

水原集

賦

八

八月長風起走馬看花長安市錦牋書貴洛陽  
紙遨遊踏破名山履濯纓歸飲龍江水弔先生  
張絳帷層層絲肉列妖姬京房易傳申培詩負  
書蹭蹬來逶迤光風霽月豁襟期立雪游楊忘  
其疲弔先生兮駕扁舟滄海一葉放中流宗生  
未遂長風謀彭咸所居成玉樓春雨春風妬石  
尤誰憐麗玉怨篋篋弔先生兮沉九淵水晶宮  
殿鬱紆盤珊瑚棟宇文犀闌明窓窈窕玳瑁寒

鋪堦玉斲青琅玕于胥樂今且盤桓弔先生兮  
登九天閭闔弘開宴列仙曹娥妙舞湘妃絃亭  
亭謝女供晨飧琴高醉拍洪厓肩宓妃薦枕美  
嬈娟弔先生兮遊九垓九河淵渟五岳嵬王良  
天廡駕龍媒奔星逐電隨風雷朝飲流沙暮蓬  
萊不管昆明有劫灰亂曰宵宵冥冥蒼蒼默些  
蠢蠢蚩蚩芸芸殖些欣欣奔奔攘攘客些赫赫  
烺烺星星石些僂僂回回懸懸適些皐皐瑁瑁  
此極些

水序集

賦

九

水戾集古樂府

嶺南陳份古邨

姪蘭芝拂霞重梓

練時日

練時日雜蕙肴燎煌煌樹赤蛟望夫君靈之飛  
駕雲車不可思靈之容出長空極周章龍來從  
靈之視維小子氣無怖答大祉靈之神奇哉變  
留不下狀蜿蜒靈之停日晶晶子心慙抗蒼冥

水戾集古樂府

一

靈不來心勞極仰威儀長太息靈終去空華堂  
歧俎豆雅樂藏天聽遠陰霾莫精白心無告訴  
佩香荃被繡服極脩姱瀆不告寅夙夜御飛颺  
排帝闈揖雲翹

湖就姑曲

湖就湖光寒赤山落空影當是鏡儂顏

二

湖平如上天大姑向湖笑小姑對湖眠

捉搦歌

好花當春恆忌雨  
大樹橫空恆忌斧  
男兒不仕  
慎所主  
老女遲嫁  
早生子

二

東隣養女蓄短鬚  
西隣送女梳鳳髻  
有郎不與  
持家計  
傾國蛾眉枉一世

三

段綸傀儡不知醜  
三尺侏儻施墨綬  
華燈撒落

水冬集

古樂府

二

天明後不見衣冠  
見木偶

四

瓜皮艇子長二丈  
小姑十撐九不上  
何如泊岸  
候潮長  
免打江心  
逆流槳

子夜歌

郎騎白玉驄  
儂執黃金勒  
舉酒尚未飲  
端然改  
顏色

二

小立就叢陰旭日麗杲杲風前不披襟有何開  
懷抱

三

分命賦自天艱貞在持守小盤種蓮花蚤知不  
成藕

四

遠行亦有歸與郎終一處亂絲可待紡終是多  
頭緒

水原集 古樂府

三

五

去後抱離憂爲樂苦不早着衣不振領儂念自  
顛倒

六

下體本賤微奉私遂承約鷓子慣摩天復羅雲  
中雀

七

儂念得不堅此義在千古松栢有何稱當是憐



心苦

有所思

有所思乃在河之梁微物用遺君玲瓏白玉英  
中心鑄連理取物是成雙道遠莫致之莫致之  
因風託鄙私從今以往勿復臨溪臨溪各形影  
水行雲散兄嫂烏知羊無夷月光光清露垂  
夜半河伯得知之

猛虎行

水原集

古樂府

四

生不居蜚狐塞死不葬烏鼠山蜚狐多媚術烏  
鼠無端顏丈夫懷慷慨策馬臨邊關朝飲長城  
窟暮宿白艸間驚風振四野霜重鬢毛斑黽勉  
閱時序何日行當還

讀曲歌

百鳥喚晴朝後園折楊柳帶子寬一圍腰窄難  
消受

寂寂閑綺窓憶歡不能食哀咽動鳴蟬吟餘清  
露滴

三

紅淚未成彈儂心奈何許疊紙作交賒旋動不  
能主

折楊柳歌

兩把盤龍劍一路鳴春風語郎試開視此物有  
雌雄

水戾集

古樂府

五

白紵舞歌

齊紈蜀錦燦若霞有客戾止白鼻騮堂上堂下  
譜雲和象板紫簫雜琵琶美人起舞顏微酡徘  
徊按節身紆斜急如春風送落花緩如天孫停  
玉梭迴旋燕子掠輕波綽約芙蓉霧露遮百態  
天矯善傴僂進君大斗及紅螺勸君飲酒愛韶  
華盛時難再古所嗟

鉅鹿公主歌

官家出遊張大燾高騎驄馬被繡服  
馬前女子雙鬟束低聲細唱小姑曲  
鉅鹿公主登山麓萬樹春燈醉醺醖

雀勞利歌

霜風淒淒雀勞利肥毛擇食瘠毛棄

團扇郎

白團扇畫作九重圍與郎時當面

白石郎歌

白石郎大江濱朝數青山晚卧雲

水戾集 古樂府

六

上灘謠

着力着力水衝石激水深畏浪水淺畏石

二

燒錢獻敬緯强篙硬河伯得錢賈人得命

早種早熟

早種早熟富家徵舊租上官取新穀種畢賣黃  
犢

坭滑滑

坭滑滑水汨汨路崎嶇山突兀前頭野虎嘯殘  
月老婦哭兒收白骨

水原集

古樂府

七

月老婦哭兒收白骨

吳郡新水民所創神山突兀前頭野虎嘯殘

水原集

水廛集五古

嶺南陳 份古邨

姪蘭芝拂霞重梓

灼灼歌

灼灼姊妹花春日嫣然好人生不如花百年忽  
以老感此素心人迢迢傷懷抱夕日叩君扉入  
門少言詞中夜與君博骰子如相思相思乃入  
骨奈何多轉移有客從外來斜倚北窓伺語卿  
且勿伺但看燭邊淚燭淚不可收門前水東流

詠懷

大道重緘默胡然多費詞憊雨自頽垣喋喋誠  
奚爲所以古至人知雄守其雌秦越不相及何  
關牧瘠肥至哉三緘訓周公是吾師

二

客從異地來遺我相思樹枝柯自相縈亭亭少  
攀附春明華萼敷秋至丹實具乎風變素節野

草萎霜露人生百年期壽無金石固遠望北邙  
山纍纍有新土

三

結客在齟齬吐納竭胸臆意氣期百年不謂中  
道易曳裾堂堂去相見不相識側身結新知娛  
樂未終極

四

中夜不成寐殷憂摧我心撫序知歲晏鴉鳴

水戾集

五古

二

中林衆芳會銷歇池塘減綠陰潦涸蛙爭徙空  
壁蟋蟀吟苟無履霜操堅冰安可任

五

僇力事南畝所思備糧糗歲荒秋不登饑寒及  
八口不及東隣夫日日厭肴酒向夕倚醉歸高  
論誇妾婦

碧洞歌女

艷不買文縠貴不市明珠但願揚清謳千金價

不虛碧洞女兒好二十頗有餘舉止殊方雅云  
是名家姝叙舊邀相見問客平安不容言歌一  
曲請女爲吳趨女兒前致辭地絕鄉語殊翻作  
廣州歌唱出長相思手抱琵琶彈促柱有餘哀  
餘哀安足惜歌終竟何如所貴不在歌感客此  
區區

鴟鴞行

鴟鴞復鴟鴞翠服炫文腰營巢鄰野鳥占得最

水序集

五古

三

高條辛勤葺戶牖伏卵尾翹翹三卵鰥其二一  
卵黃口嬌膠竿日以急囹羅巧相招雄死雌別  
偶饑雛啼噉噉慈烏憫孤雛代哺無晨朝長成  
習飛舉猛力日漸饒撲烏啄其腦血濺毛羽飄  
不念母去日殘喘于誰邀不念在巢時饑飽誰  
相調鬼神瞰爾旁天道鑒昭昭天子坐明堂五  
日羹羣僚虞羅布山澤爾類將無噍

擬涉江采芙蓉

涉江采芙蓉撥粲出清渚采采欲何爲將以貽  
下女遊子在他鄉衰鬢驚時序不及水中花顏  
色長容與

古意呈梁彥長廣文

十八窈窕質苧繡人罕匹罕匹人所嫌寶鏡閉  
垂簾垂簾隔洞房姊妹上中堂中堂列華食紛  
紛安可識槿花榮向朝蘭氣清入微苟不品所  
貴徒爲花農嗤低頭發長吁拔我鳳凰簪不惜  
鳳凰簪簪中鐫同心贈郎結同心愛郎輕黃金  
黃金有盡時同心無轉移

漁父

東海老漁父持竿大河濬長緡餌全牛一坐三  
十春鮒蝦我不欲鯤鯨沉九淵何用慰岑寂安  
居永厥年

美女篇呈仁化令蔣敬齋夫子

諱正煥  
廣西人

時維丁酉歲應賓興愧非萬選之才謬獲



九方之顧盤天雪鶴刷翎欲破秋烟躍水  
錦魚點額仍回春浪嗟乎君情訣絕那堪  
賸粉殘脂我見尤憐何忍遺香墜珥用酬  
知己之感敬獻美女之篇

美女何僂僂家住花田鄉含睇善窈窕肌膚白  
玉英匄彩爲鳳髻木難飾寶粧中夜發長嘆盈  
襟淚浪浪問女何所戚問女何所傷女亦無所  
戚女亦無所傷願得有心人白髮無相忘去年

水戾集 五古

五

八月秋開樓看月光樓下貴遊子調笑來相將  
燃燈不注膏有心何能明

甲午秋闈  
卷呈薦

昨夜夢珠

宮銀燭爛煌煌阿媒前致辭厚帛降中堂一環  
值千緡兩釵千萬強開我菱花鏡照我額上黃  
啓我黃竹篋換我繡衣裳將上七香車罡風何  
太狂罡風吹夢醒月色冷如霜寄語謝良媒大  
息撫年芳

城西行

城西豪貴地遊冶無春冬朱輪駕白馬鸚鵡裏駿  
如龍女兒年十五馳驟何從容纖指撥雲和出  
入兩王宮青綾抹辮髮小袖飄迴風歌樓臨大  
道錦幄繡芙蓉牛飲快長夜絲肉羅重重歡宴  
不知疲焉識漏易終

示客

中歲頗好道懷潔履瑰奇夷齊不足學何況柳  
士師康莊騁良足道逢鄉里兒邀我止逆旅中

水原集

五古

六

夜亡其貲不問同舍郎翻咎直不疑一朝去金  
返謝過無媿辭千金豈顧道硜硜寧足訾所惜  
塵埃士不諒季女饑去矣慎回首斯人勿與居  
述古贈門人張隆培隆鄴兄弟執母喪

朝登太山岑暮止闕里宿杏壇三千士文彩何  
彬郁有美高柴子恂恂以自牧三年執親喪淚  
血恆滌目不殺啓蟄蜚不折方長木臨難不由  
徑當影不措足明哲或非長範世有餘躅相期

汝弟兄盡變今時俗

春鷹行

有恥者蒼鷹悍性本天賦恃此爪力強攫鳥肆  
朝暮草枯大澤空三窟無餘兔自謂長肅殺搏  
擊紛不顧豈料倉庚鳴炎氣摧其羽一朝化爲  
鳩結巢在棘圃數莖敗蓬藿飄搖怨風雨控不  
及榆槍常恐弋者慕雌雄相對呼聲聲脫布袴  
嗟爾鷹爾無怒繫昔霜降時衆鳥爲汝懼于今  
時事更爾亦平物怖榮枯如轉環得失會有數  
不見白頭烏慈愛哺庭樹不見耿介雉山梁日  
來去不見華亭鵠清癯騰紫霧嗟爾鷹兮爾鳩  
乎爾類若拙鷺如故

驅車過吳門

驅車過吳門客指闔閭墓農夫犁爲田窮泉出  
雁鷺下有要離塚不封亦不樹陳死千百年俠  
骨永如故

贈李提先

美人信窈窕招我遊曲房嘉會列清宴繞座琴  
瑟張妙曲倡高調餘哀遠玳梁試問哀者意云  
是衛共姜永謝良人歡獨宿秋夜長明月鑒空  
幃照見雙鴛鴦鴛鴦有定匹明月無長光

溪父

溪父住溪曲溪水灌溪田苦無結綱智羨魚空  
臨淵偶過滄浪叟伐竹代爲編截梁獲鰕鰕得  
意竟忘筌不念充饌功應憐編者賢秋風被葦  
岸明月鑒前川沽酒棹歌去鷗鷺淡無言

寄吳大琴張叔南敬

孤鴻冥天外鶯斯戀枳棘六翮決浮雲翱翔周  
八極麒麟遊魯郊獵者豈易識君子守諒節小  
人長戚戚甘同海鶴饑忍與鷄爭食

飲酒

寒暑有代謝流光若馳電掃我北窓榻山樽雜

蔬饌解衣聊盤礴殷勤事清讌不必問聖賢  
涓滴具萬善一歌入醉鄉兩目玄黃戰寧受醉中  
譏不樂醒時謹好風吹我袂高枕聊繾綣

二

行行出東臯中道逢沮溺雖非生平歡聊復商  
稼穡招我入敝廬共坐掃頑石耒耜縱橫陳牛  
羊氣狼藉酌我山櫻瓢佐以蹲鴟多與酣行次  
亂不復辨主客奮袂舞僂僂仰天長太息君爲

水亭集

五古

九

蓬蒿鷄我作清溪鴻豈不能奮飛秋風吹羽翼  
張損持太史招同諸公雅集淇思亭賦得

白雲抱幽石

繽紛復繽紛其大如車輪因風縱長往吹來珠  
海濱海濱有奇石石色何嶙峋雲飛上高天白  
石冷空林兩物旣相合幽棲同素心人生重意  
氣空山如得鄰寧爲雲與石無爲地下塵何以  
挹清光相將製鎖雲

更羸之妻能作鎖雲囊佩之  
陟高山不必開有雲入其中

### 示大兒咨

大兒才四歲頗知好紙筆時來北窗下牽衣坐  
我膝凝神若有思縱橫安可測檢視薛濤箋俯  
首如甲乙戲與詢高下高下恆不失愛此好頭  
角箕裘或可得所嗟類而翁入世非其術

### 舟發珠江

三年戀窮巷未理珠江楫勞生嗟物役茲行事

水戾集

五古

十

農業帆檣乍傾倒太虛浮一葉前顧失烟村後  
顧失城堞祛寒強嚼辛忍視閉眉睫反側世所  
同人心畏歆蹶所以達士操閉門寡交接

### 入舊砦庄農家見餉

停舟泊古岸林樹隱疎籬坐我町疇場兩樹亞  
簷齊良久始進食藉地列尊壘佐酒何所有屢  
屢炊伏雌興酣命山婦椎髻來施施謙謙能中  
禮出口卑其詞先言加餐飯再言行一卮客言

主人飲再拜一持杯送客始出門反手挽門樞  
晴日照顏色顧盼良獨殊娶婦苟如此名姝安  
可如

鷓鴣

嘖嘖復嘖嘖鷓鴣不得食人言鷓鴣苦鷓鴣翻  
自適照水氣雄豪軒軒鼓兩翼斜睨存睥睨舉  
頭訢胸臆我感主人恩當報主人力入水所不  
辭求魚安足惜亂石甘剪割湍流隨衝激啣魚

水原集

五古

士

售高價我亦沾餘瀝若復恣饕餮難免主人斥  
受斥固所招肥身終何益不見渚邊鳧喋啜窮  
潮汐一朝潤羽毛反爲慕者弋口腹一不謹謀  
身誠自賊我解鷓鴣意歛歛長太息茫茫眼底  
人負恩曷有極授餐勞旨羞縱慾肆反側安得  
盡鷓鴣廉隅皆整飭無言笑烏鬼義士當矜式

白水山佛跡岩和東坡韻

颯颯山風吹松斂落折股意氣一何豪軒軒若

振羽扳林恨鳥喧失路叱雲吐山衣破一片芒  
草爲修補坐久忽覺冷滴翠掛石乳徑轉浴池  
開荆榛謀斯斧氣蒸漾淺波沙淨徹微土浴罷  
拂輕衫廣袖迴風舞須臾稍東折依稀履帝武  
至道久忘形仙人乃駢拇仰見雙練飛山空時  
作雨冉冉列雲旗轟轟鳴天鼓潭靜隱靈物波  
清遠怪府咽澗亂啼猿立石疑蹲虎我欲結茅  
屋綢繆莫敢侮抗懷思逐鹿機心戒張努恬淡  
敦微尙庶幾靜聞睹誰爲導雲衢清光恣探取  
暫酌雙溪水山光得所主分流添灌溉春滿李  
桃園

瘦瓢歌

瓢爲蕭節婦食器蕭嫁梁生若海一載梁  
亡婦却膏沐紈綺以瓢盛食自別於衆抑  
以木遇瘦而廢其質彌堅取自況也守節  
十二年爲夫立孤曰吾今可以舍食矣扁



瓢於篋餓十一日死其瓢藏於家稱蕭瓢

云

四座語莫囂聽我歌瘦瓢瘦瓢必有始請從在  
樹起在樹無榮芳踈踈傲冰霜蕭婦舉頭視此  
木同妾廢木廢木質全妾廢妾心堅斲瓢進飢  
粥口澤慎微嫌苟活十二紀立孤夫有子有子  
夫死安妾食可已矣收瓢扁蓋篋亂衣裏重疊  
鑰牡沉井底此篋終不啓鄰姑入屋歎勸我且  
加餐妾非瓢不食鄰姑何有言姑言請鑰牡姑  
自入井取鄰姑復淚垂溫語爲儂開謂儂胡慘  
悼謂儂胡酸恓儂亦無慘悼儂亦無酸恓女生  
父母體嫁夫爲夫死斷吮漬裳衣溺波汚江渚  
縣官到村鄉妾身無規矩絕粒待命終從容能  
自主鄰姑始出門蕭婦入黃泉誰言九鼎重九  
鼎有時遷此瓢僅一握萬古口血存見瓢肅瞻  
拜不敢親撫酸心無終極瓢兮奈若何

蝦蟇篇

館西老蝦蟇倚毒擊物吸取百蟲殆無遺  
類一日有螻蛄方過飛鳴繞砌蝦蟇啖之  
旋狂跳作痛楚狀仰臥張口螻蛄振羽而  
出余悲蝦蟇之貪幾喪軀也譴之長句以  
懲末路

蝦蟇藏大毒牡蠣墻邊伏口毒吹物昏氣毒吸  
物速我思大化仁物類無催促毋言勢可欺不

水原集

五古

古

當等魚肉長此終不戒一朝身爲戮果見螻蛄  
來鑽隙自徵逐蝦蟇顧之喜謂爲百蟲族可以  
甘如飴我口洞如谷豈料螻蛄入便爾尋報復  
神鍼同七首大刺腸腑劬蝦蟇狂蹲跳痛楚多  
蹉跎仰臥鉅口開流涎穢頭足螻蛄振羽出疾  
視瞋雙目薨薨如有言汝自取傾覆汝胡不自  
思泥塗無芳躅行止既不端立身徒踏踈美食  
誰不愛亦當存檢束古人有明訓饕餮非爲福

君非楚襄王敢我細腰續我已全微軀君尙患  
心腹蠹螭高飛去蝦蟇抱慚惡陳子作長歌將  
爲末路勗慎哉如處蟄享此春池綠

水序集

五古

五

爲末路勗慎哉如處蟄享此春池綠  
心腹蠹螭高飛去蝦蟇抱慚惡陳子作長歌將  
爲末路勗慎哉如處蟄享此春池綠

水冬集七古一

嶺南陳份古村

姪蘭芝拂霞重梓

湄洲賽神歌

湄洲居海中神爲莆田林氏女有明使臣  
航海神常昭靈焉閩賈事神最謹每於春  
暮盛供遊神郡人如沸因次以歌

南武巖城珠翠府三春勝事紛如許頰霞飛上

水冬集

七古一

一

木棉枝百尺燒天疑烈焰晴波澄拾翠洲鶯  
嬌柳躡呼鸞籙侯家畫卵醉醪醑羽林白打誇  
超距明庶風輕榆莢和梯航異國歸閩賈迎神  
九陌鬪繁華金裝玉褱相矜詡蟒衣中使按雲  
和錦袖宮娃搥大鼓天矯蟠龍羽葆重耀日屯  
雲移鹵簿灼灼蛾眉落鴈容盈盈抱肘迴風舞  
四目鐐牙前荷及髻髹朱髮如虬虎瓔珞盤結  
菩薩蠻蓬頭戴勝西崑姥五雲高擁揖羣仙劍

佩軒軒盡遐舉綵輿駕出萬人看閭巷闐兮儼  
若堵白馬金羈何處郎香車珠箔誰家女臍麝  
薰人膩不飄墮遺簪珥渾無主神興闌歸神所  
大舶迎神進肥矜銀髯老祝向神詛雙笈投地  
卜神祐笈仰神喜覆神怒神喜海外利行旅神  
怒海外多風雨雨風之來舟人苦倉惶呼神神  
不拒年年賽神澹洲嶼

荔枝行

水原集

七古一

二

炎州五月風日酷赤燄光騰彌大陸黃梅雨過  
荔枝肥嬌嬌火龍蟠地軸翻天紅浪入雲流陽  
鳥續紛巢苦木南方逐客渴方殷敲碎珊瑚遍  
金谷鮫珠泣迸水晶盤卞璞美從丹穴斲一窠  
崖蜜剖高房却暑聊當冰雪服擘餘三百夏方  
徂匝地文堦皆紫殼文筐珍重遠相將兒家歲  
歲誇繁縟吁嗟乎荔枝芳姿一旦委紅坭玉質  
錦衣安用之君不見朝槿燒天最烜赫日斜已

向流波溺不知道  
倘若李子結實  
年年不掛齒  
呈梁藥亭先輩

生不願出入傳呼  
鳴八騶又不願  
珊瑚百尺等  
山坵但願才思  
磊落奇拔運神  
鬼詩成得似梁  
鬱洲鬱洲太史  
天仙子拏雲御  
颺空行止濯纓  
銀漢將龍髯跣  
足金門躡鳳尾  
坡掖回翔乞假  
歸移宅仙湖弄  
湖水詩壇更築  
六瑩堂八門旗  
鼓一時降每把  
楊懸留孺子徐鐸  
愚不因曲誤愛

水仄集

七古

三

周郎

周乳峰

雪谷我友亦好手

曾秩長

冬郎仙喬佩

瓊玖

韓橋村

赤花高士今雲機

鄺葵五白五

時時新咏

不離口太史詩情比客癡  
搔首問天天欲低  
忽然狂拍大叫起  
夜半推山倒岳何  
神奇晴朝策杖西  
郊圃尋僧往往留  
僧宇陌頭吟散綠  
楊烟籬根收盡黃  
鸝語晚年開社向  
蘭湖道我新詩舉  
世無我詩不過螢  
光燿太史胸涵記  
事珠太史太史獎  
後輩大雅扶輪今  
誰在顧吟春草文

章傳韓勒山門聲價倍君不見珠江江上千尋  
水一波未平一波起

藩王故第白石獅子歌

陳生騎馬出西郭中道馬嘶多駭愕白石雙獅  
欲噬人馬蹄廻旋如束縛收鞭下馬立踟躇白  
頭老卒言如昨藩王破粵立殊勲起第連雲通  
碧落廐槽麥足龍駒驕園囿楯疎豹子惡還愛  
雙獅猛鎮門猙獰牙爪勢挈攫飛檄十郡選石

水原集

七古一

四

工按籍徵夫九室空老夫時與供王役泣別妻  
兒出海東直上端州陟崇嶺白石產在星巖頂  
千夫萬夫斲石聲星斗蕩搖天晦冥險穿穴竅  
金牛開危絕梯橋雲棧迴斲石猶憐運石難大  
船小船出峽山鬼神訶護疑終闕千船石載少  
人還似決積囚填渭水如坑降卒瘞秦關老夫  
幸得生歸里東隣西隣糜江水生妻已嫁子逋  
逃大哭一聲拚一死縣官催迫進王宮刻成獅

子玉玲瓏獅成王喜南面坐百官同日齊入賀  
豈知天子厖邊疆粵地焉能駐兩王嚴旨移宮  
閩海去石獅泣別淚浪浪從此復爲俺韃府人  
畏石獅如畏虎石獅大笑王開宴銀船沉醉目  
流電宮監擎來箛玉弓女娥捧出團花扇須臾  
流矢簇霜花矢落霜飛血如濺殿上傳呼犀角  
觥一矢中人一進膳後來天道無終晦王惡如  
獅王首碎止見石獅在門前似獅俺韃今安在  
我聞老卒從前語茫茫興廢何堪數石獅石獅  
高如許夜半時聞吼風雨

讀舅氏方蒙章九谷集

粵臺風雅開前古有唐名相樹旗鼓自宋迄元  
風漸微明代南園闢牖戶中原七子奮揚鏹先

公擅埜繼盟主

嘉靖中先大夫南聖祖與歐虞  
部楨伯袁民部茂文黎秘書惟

敬世稱  
四子

蓮鬚芳色傳牡丹嶠雅正聲調鸚鵡國

朝起

三先生道援獨漉及六瑩按歌香閣推名



部賭酒旗亭重妙齡舅氏同時共唱和大珠小  
珠齊聲價官成移宅住金閨豨巷雞陂虎阜鄉  
廢苑螢飛吊西子生臺月冷悟空王攜雲挾電  
何光怪使我一讀一下拜樂府清詞擅好手烏  
棲子夜播人口太和元音久不聞左鐘右鼓雅  
樂陳百選名家八四庫天下人才亦有數長公  
蕙朔仲東華兄弟機雲盛詞賦份也兩眼大如  
箕藉藉時名徒爾爲孤軍自擁皆稗將雄關不  
下非王師山不改青地流水斯道今人誰後死  
生平往往空古人情竭郊公豈能已何時出嶺  
抵姑蘇廣歌堂上佩荃芷

送鴛鴦梁王顧明經并繫以詩

先生乃鳳凰五色盛文章生下鳳雛子天路將  
翱翔憐君織手繡鴛鴦贈君鴛鴦一雙雙鴛鴦  
繡出無人識世人所見皆鸚鵡綠草誰窺覆翠  
冠白浪徒憐開錦翼吁嗟乎丈夫不得鵬背九

萬里老大癡情戀婦子人生至老不相離鴛鴦  
個個無獨飛夜雨池塘迷春樹不放鴛鴦曉飛  
去

廣州行

駱賓王有帝京篇鋪張壯麗元稹作連昌  
宮辭低徊盡致吾鄉明孫典籍爲廣州歌  
傳播海內余寓廣州最久因爲長篇紀之  
凡風土人物時序境地三百年興廢皆宛  
然在目不敢誇盛三君子但以各抒聞見  
覽者不必是古而非今云爾

水仄集

七古一

七

廣州城高高且壯三百年來兵不向萬雉巍巍  
雁翅雄珠水拍天何浩蕩白雲積翠聳崔嵬石  
門一面霸圖開琵琶雙柱攢天末鷺嶺旗峰相  
袍迴虎頭潮汐吼獅子萬派朝宗歸纜尾鐵城  
扼澳控冷汀龍門古港通交趾環甲鳴弓倚健  
兒畫戟雕戈卧鼓鼙掠陣慣驅雄鷄裏捍門新

製佛郎機龍頭社傍珠江驛坊表連雲相咫尺  
東官伯第丞相祠紫水新塘餘講席衣冠自昔  
號名區富貴繁華代不殊南園詞客三千士北  
里煙花十二衢雲母溪頭蒲澗側戶戶朱明饒  
羽客五色羊騎閩苑仙九還丹鍊浮邱伯六葉  
花開藹獠鄉荷薪曾得聽金剛風旛一自開真  
諦千古訶林有法王坡山火樹春繁縟藏閭跼  
踟相徵逐金目朱衣駕綵輿傀儡熊羆轟陸續

水原集 七古一

八

三 月 年 年 兒 女 家 踏 青 闢 草 古 昌 華 採 茶 調 就  
嬉 春 曲 採 花 晚 過 素 馨 斜 娘子 茶 工 四 月 畢 江  
頭 搥 鼓 鳴 鉦 急 綺 羅 絲 肉 開 層 層 酒 熟 荔 香 飛  
彩 鷁 涼 颭 水 際 度 新 秋 乞 巧 樓 頭 拜 女 牛 夙 緣  
結 罷 盃 蘭 會 又 向 濂 泉 作 勝 遊 勝 遊 取 次 過 秋  
半 百 尺 浮 屠 燈 影 絢 彈 經 禮 月 聚 兒 童 雕 柚 鐫  
瓜 夸 少 媛 鼠 薰 堽 塞 歲 華 催 回 首 江 村 又 放 梅  
踈 影 暗 香 彌 十 里 師 雄 買 醉 臥 林 隈 賞 心 未 已

忽徂臘宗漢從新忙主客爆竹家家送歲除賣  
獸童子聲雜遯聲雜遯年復年康衢樂事正無  
邊誰識劫灰飛一縷東南直上斗牛躔歷世承  
平忘武備將懦兵虛久不治專閩將軍鮮壯猷  
折衝都尉無長技一旦天兵從北來長驅直上  
越王臺三城士女成蓬粉白壁黃屏生草萊鬢  
宮不見舊師弟荆榛櫛比塞堦砌頽水環橋踏  
作坭畫棟雕題佐薪桂桂薪珠粒歲頻飢神武  
猶聞時出師纍纍餓殍邱山積瘟疫流行遍四  
陲內府需財誰獻策十郡黔黎窮拮撫股膏剝  
髓及根株富者計千貧計百伯千不足飽鯨吞  
禁海封山設歛臣牙行伎儉紛盤踞市井刀錐  
逐細民當門更愛端州石檄向崧臺開翠壁笞  
官杖吏虜耕農琢就辟邪供一劇辟邪蹲踡瞰  
中堂丹朱塗壁粉圍墻金蜺紫鳳盤棖棟侵雲  
插漢影輝煌規模未盡窮奢欲瓦縫新製鴛鴦

綠曉粧樓外晚粧樓飾檻文窓皆紫玉寢殿相  
連快意園遨遊王子更王孫珍鱗異獸遠羅致  
陸窮山嶺水窮川東閣吳姬西趙女聞寵爭妍  
倚嬌語細腰憐殺楚襄王艷曲譜將陳后主重  
幃夜夜綺筵開檀板簫笙鬧若雷興高浮白籌  
難犯不數淳于一石材酒醒時向東臯獵百年  
枯骨遭冤劫燎原火烈石麟頽一望平山無馬  
鬣富貴由來不久居一朝緹騎入蒼梧彤弓黃  
帶無消息羽鏃翎摧勢漸孤烏在樊籠魚在釜  
飛潛無計任採取兄弟相對共投繯乳虎蒼鷹  
膏鉞斧木棉花下火焚燒魄散灰颺蛺蝶飄南  
金文貝高北斗此日都隨水燄消山翁鬚髮猶  
未艾眼見滄桑幾成敗吉凶倚伏如轉丸始信  
凶人還自害只今鼓棹向珠江江邊不見舊旌  
幢傷心閭巷憶前事太平猶帶曩風光珠水雲  
山終不改王侯第宅無長在虞園一樹古菩提

留得六朝舊煙靄

寓居合江樓和東坡韻

兩江沆漭思悠哉  
男兒安得困蒿萊  
放眼高樓倚天末  
白雲片片渡江來  
聞道江頭金鯉美  
春日相隨雷雨起  
客住江樓扉不關  
東風吹動桃花水  
入座東風簇簇新  
天下不少有心人  
江樓遙指五雲裏  
狂歌暫醉太平春

贖牛行

水尾集

七古一

十一

君不見晏嬰解驂贖石父  
今之肉眼何足數  
富室銅錢大似天  
英雄失路有誰憐  
不重英雄反重物  
買命放生喜學佛  
問君學佛欲何爲  
蠕蠕蠢蠢生無奇  
何君生來有俠骨  
不憚揮金能結客  
客結客豈必盡騏驥  
任是駑駘足驅試  
以此感物物有知  
披毛帶角來施施  
我友羅君述其事

謂同年羅君履先

庚申中秋月將晦  
何君琴瑟斷鳴絃

痛哭西風零雨涕  
忽有隣鄉就鼎牛  
絕縛來投

重含淚傾橐金求季子開屠刀經免庖丁著淑  
人溘逝不可生此牛望生仍有情斯時弔客盛  
如雲咨嗟聲雜哀號聲何君慘黯情默動婆心  
不管黃金重出金立命叱屠者市牛將同市駿  
馬調食先供麥飯槽放歸隨入桃林野牛有何  
知耳濕濕低頭辭去如感泣學士因爲紀長歌  
薤露露晞變宮急份也兩眼如箕閱世塵天下  
皆少有心人更捐黃金酬國士國士毛骨良有  
異韓公波轉天池濱鄧子臺高燕市地從來知  
已在不言豆粟嘶鳴非感恩不取搖頭曳尾客  
千里神騅志有存區區贖牛安足傳爲君翻作  
飯牛篇期君風義抗雲烟寧戚之歌豈偶然吁  
嗟乎寧戚之歌豈偶然

蓮花歌呈許邑侯

四座且莫譁聽我歌蓮花蓮花必有始先言蓮  
花水蓮花之水清漣漪南風之薰六月時蓮葉

田田蓮花開蓮花開白如雪紅如脂紅紅白白  
枝交枝亭亭直立微香吹蓮花有香人所卽蓮  
花有心人不識乍舒乍歛抱靈根仰承清露滋  
顏色花吸精華長水藕藕絲纏綿培花厚培花  
厚兮花所殊陣陣仙香扇海隅扇滿仙香看結  
子粒粒香房凝綠珠從此含芳復挺發萬丈淵  
渟春秀茁鋪水如錢高如蓋沈瀼相擎出水澤  
君不見太華之頂蓮花峰天開峯嶸涵鴻濛又  
不見太液之池碧蓮胎彷彿蓮宮近蓬萊及此  
蓮花衆稱兕願取蓮花爲公比蓮花歌清且貴  
採蓮船休鼓柁歲歲繁華滿天地



水冬集七古二

嶺南陳 份古村

姪蘭芝拂霞重梓

觀陣歌

將軍騎馬出戰場大旆閃閃雲飛揚將軍下馬  
坐毳幄傳令官校肅軍裝將臺豎起蛟龍旗騰  
騰畫角朝天吹一吹人馬動二吹人馬馳三吹  
人馬成鐵圍先從東來轉西去又向西來轉東

水冬集

七古二

一

任群馬先鋒人後隨千楯矛爲擁護忽然人  
馬兩行列投仗伏地人聲滅臺上巨礮冲天鳴  
雷霆轟轟走列缺忽然鼓響散蒼漭四野沉沉  
山雲瘴風迴烟卷人馬橫一面令旗隨指向忽  
然萬衆聲齊號天風吹出大海濤忽然齊發矢  
新月雕弓入雲指忽然齊揮戈點點霜花匝天  
過收戈戢弓寂無聲白日曛曛天地清將軍曰  
嗟諸將士朝廷用武只如此馬兵勞以豕肥羊

執戟兵勞以醇漿稗將擊出五花之錦纒虜篲  
鳴鳴將軍歸大小三軍解戰衣英雄事業太平  
身許爾明日酒樓倚醉椎鐵人

大雨歌

丙申六月大雨作歌紀異

尋常大雨不爲奇此雨無乃古無之初起日中  
有暈大數里次日漸見風離披忽然沙飛木拔  
驟發屋屋頭屋尾人走伏一日二日雨滂沱三

水原集

七古二

二

日四日成江河五日六日但見水最後三日夜  
不止有如堯時天地盡茫茫壺口未鑿浸呂梁  
或如平州碣石海中去道元不能詳其處又如  
孤舟一葉浮洞庭君山十二峯峯橫比隣壞垣  
聲震盪貫耳不絕雷鳴響携老負幼遠出村託  
妻救死夜叩門中夜起坐不敢睡地中恐有蛟  
龍戲十日雨歇出門行通衢風急走波聲人阻  
逆流不得上潮頭五尺與人平我聞洗兵之水

辨祥災此雨天意胡爲來將無城市風塵惡大雨一爲滌飛埃齋滌沆瀣復何似大地風波盡如此

大女雪前進學

男兒讀書不識意盡日呶唔終不濟莫謂老夫操性寡世上亦無讀書者大女讀書最聰明教以讀書不出聲有聲無聲不必問至道無言非是隱精神肅肅歛視聽如此讀書稱上乘汝母慧而巧刀尺遵其教而翁教汝書讀書又誰如落筆吐出天孫錦弗鍼繡作鴛鴦枕明朝爲爾求賢郎不知旗鼓誰相當

煮粥歌

癸巳阻飢道多餓殍廣州城外煮粥以賑人皆扶老挈稚就食陳子過而哀焉作煮

粥歌

颶風爲暴歲阻飢將軍入告銀章飛天子曰嗟

民其億尚書欽哉宣朕意四月驄馬抵粵濱  
舩輸挽走江雲飛檄十郡榜鄉曲傳出天語令  
煑粥東門煑粥在較塲白骨纍纍青塚荒西門  
煑粥開僧舍紅蠻鴛瓦晶晶射南近大海北枕  
山煑粥無地就市間南北東西路坎坷十萬人  
家待舉火不因增竈壯行營已嘆積薪委曠野  
煑粥吏監粥官吏侵米法不寬官侵米吏無權  
侵米一斛八萬錢我來粥地清晨立萬顆珍珠

水尽集

七古二

四

釜中泣俄頃扶老挈幼來煑粥未成號聲哀雜  
如百萬師中人耳語驟如山風乍來初送雨淒  
如飛鴈下前汀一響一淚復一聲怨如秋蟬吟  
古木嘶盡斜陽時斷續壯如義士奮臂盡爭先  
寂如老僧趺坐欲迓禪長臥半歸莊叟夢清癯  
多類子房僊却惜女兒顏色佼日午尙未得一  
飽人多粥盡突煙寒添泉沃釜更傳餐傳餐尙  
爾粥不足飢不能行待粥熟初煑粥以米再煑

粥以白坭三煮粥以樹皮嚼坭坭充腸嚼皮皮  
有香嚼坭嚼皮緩一死今日趁粥明日鬼人鬼  
滿前誰是真人與鬼共受皇仁嗚呼人與鬼共  
受皇仁

擊劍歌

白日晶晶照空秋悲風瑟瑟鬼神愁荆卿去後  
無朋儔此意千載空悠悠丈夫七尺鬚如虬進  
以取機退能謀伸之如矢屈如柔三尺之物明  
恩仇十步以內無王侯千金高價無人售嗚呼  
千金高價無人售

耕田歌

薄田歲入其租不贍若自耕可獲數倍丙  
寅皇申九月甌生塵矣米買不至悵然有耕田  
而之計作歌自勉  
盍歸乎來耕田生物着天風雨不愆而我爨無  
煙耕田耕田下有黃口小兒上有父母高年耕

田耕田耜如戟鬚如虬耳洞洞口納百川富兒  
笑我無銅錢耕田耕田仁義不可爲炊文繡不  
可爲衣橫講席期期哎哎誤世間賢耕田耕田  
鋤莠稗叱風雷掛乾坤入肥牛兩角前耕田耕  
田盍歸乎來耕田

任烈婦哀詞

烈婦任氏女嫁譚郎譚病力進粥藥數日  
窺譚不起潛縊死譚知之俄亦逝次日兩

水原集 七古二

六

棺並舉見者流涕焉

妾本儒家女二十嫁譚郎爲人潔白哲風流盛  
文章文章驚人不必計溫存難有此夫壻相敬  
如賓朋相愛如兄弟郎俠喜揮金妾拔鳳凰簪  
郎性好結客妾進銀羊炙郎夜愛讀書妾伴理  
絲車大車從來不說輻鴛鴦夜夜無獨宿嗚呼  
皇天何不仁譚郎抱病已浹旬目我兩行淚如  
雨良久延喘始有語朱絃瑟奏向豪家紅豆樹

栽移別圃妾言妾心少所可賤妾原是有心者  
數日猶能進香秬親調玉碗煮銀鑊彌留倏爾  
果不起妾身大節從茲始上有翁姑下有子尙  
可從容忍一死妾身無子與翁姑此身不死復  
何圖郎死方從郎黃土先死還似得死所郎知  
妾死郎死安郎安妾安兩掩棺迢迢夜半入香  
閣寂寂人聲殘燈燭是時月色徹長空晶晶天  
氣捲寒風玉環五尺懸湘綺千秋一夕只如此  
地下亦得長相對何必人間不相似清明墓石  
長春花精魂應共生連理

放鷹行

鷹眼惡鷹尾橫鷹在臂磔磔聲鷹飛起金鈴鳴  
我欲祝鷹善搏擊大勇所貴養其力胡然不擊  
老梟擊黃雀將母玉爪畏其惡老梟不死滿空  
號黃雀何罪落羽毛吁嗟爾技止此矣爾之猛  
孽徒爲爾

大龍歌

宋厓門從死太保官五人莫詳名姓漂流  
番禺大洲鄉鄉人葬而祀之五日爲龍舟  
娛神舟長十數丈上列歌舞童子二百人  
鼓櫂者悉衣錦繡名曰大龍率二十年一  
舉辛酉余方在襁褓至乙未大龍復見當  
事者力邀至珠江余獲觀焉

厓門風雨龍舟覆宋帝入海波沉玉太保五人

水原集

七古二

八

死難臣漂流香骨大洲濱大洲人士互驚異建  
廟兼營槁葬地太保昔從龍舟沈製爲龍舟娛  
神戲此後往往二十年龍舟偃水龍見田惟有  
辛酉越乙未三十五年屈指計空江仍長古時  
痕春鳥暗啼亡國淚時維歲首謁神祠五廟巍  
巍神有知五廟合卜神皆許村頭村尾羣童嬉  
倏忽遠近各異聞大龍出蟄復乘雲果爾時至  
神如響發號出令若指掌大木不勞斧斤採供



神用者利十倍時有木賈盛梗楠神叱風雷運  
歸海祠后隙地產青葵其大如輪復如箕轂軸  
轉楨每需此滑膩可以代膏脂採木產葵運造  
化百夫驅使忘日夜開歲十日始鳩工三月中  
丞抵粵中下車首申賽神禁鄉人貽聘來相從  
虔禱於神神否否大龍所摧無不朽翠袖宜翻  
綠水楊錦靴須踏紅花藕五月大龍龍已成兩  
岸離支江水明彩纜十丈挽出水鄉人呼力擲

水尾集

七古二

九

揄聲椎殺肥牛二十角擊鼓召食走村落就中  
猛士誰操舟父老錫以斗大爵中丞聞之曰嗚  
呼此而不弛禁胡爲乎遣官致祭大洲鄉五日  
約會入珠江卜之太保允其請江雲搖動施長  
綆五日龍行珠海澣是時晷影日當午忽忽白  
雨散空天大龍泊處無飛煙中丞嗟咤稽首拜  
將軍負勇攀龍髯龍勢天矯十二丈龍首飲淵  
龍尾仰騎龍童子二百人羽翟輕搖開繡幌晶

殿猶閒柳毅書鈞天誰續玄宗響護龍先遣白  
鷁舟兩面紅旗颭中流招手呼聲遠辟人浪花  
飛捲大龍游初日遊船漸啣尾二日遊船無岸  
艤西泊柳坡涌東泊琵琶嘴長江一百里但見  
遊船不見水河南送客船曰入租萬錢客船挾  
歌妓官船奏管絃遊女船唱採蓮船多江小難  
容入中丞大笑船頭立將軍傳令許登城城頭  
人立江雲停城南城東開城堙天風吹起石榴

水序集

七古二

十

裙人愛大龍不過取其新我愛大龍敬鬼神大  
龍握賞罰大龍操殺活大龍不出羣龍恣大龍  
一出羣龍避忽有小龍拒大龍大龍屠龍龍立  
斃鯨魚吮血出波心鷗鳥啣屍立沙際大龍禁  
穢觸中有遊女未浣沐同舟六女女居中須臾  
下水濡頂足大龍禁詬諍中有遊人語狂醉嚴  
械拘孿請袂祟大龍禁偷兒有客懷貲不能歸  
夢中有吏抉其皮大龍大龍吾欲請爾告天帝

善者獲福惡者畏雷霆轟轟震一世大龍大龍  
吾欲請爾謁天朝發奸摘伏立明條天下太平  
樂舜堯不然請爾向廣州魑魅魍魎血吳鈎虎  
狼白晝不敢留胡然只在江上威赫赫同時遊  
者皆落魄鄂君繡被不成眠米子畫船何處泊  
我獻大龍傘俯伏大龍下大龍之名不可假欲  
爲宋帝置黼座卜之於神神曰可二十年中飛  
野馬願告後之大龍者

水原集

七古二

七

贈王符躬中秘

我友橋村侵晨至揖坐縱談王中秘一幅鴛溪  
晴照手索我新詩字如斗份也無詩名何以贈  
公卿一聽再聽已心寫斯人當今稱大雅大雅  
何洋洋走燕入秦凌八荒典裘沽酒會維揚吟  
詩結客來僊羊是時竦息拱而立白日晶晶風  
習習美人朱衣騎白鸞閃閃雲旗周九天恍惚  
儀光不可卽丈夫知己不相識我有大秦珠光

吐銀蟾蜍懸之照心胆與君鑒眉鬚請君考鐘  
伐大鼓與君按宮排商八風舞請君高旆大靈  
制精軍與君沙飛石拔卷黃雲不然與君淵穆  
究無始文字駢拇與枝指齊侯不會斲輪理糟  
粕聖人徒爲爾卽今春風吹樹烏放歌大道無  
爲鼓太和安得與君箕踞羅浮四百之峯頂脩  
然大笑育聾醒

天都許蘭谷畫蘭歌

水居集

七古二

七

君不見空山之谷生離離幽芳安得世人知天  
都許君字蘭谷愛蘭往往羅書屋愛蘭善畫蘭  
墨妙不可言剡溪三尺白如雪凝神不語見聞  
絕須臾放筆亂縱橫白日騰騰風雨生左拏右  
撇成千葉亂枝擎出花稠盞蘭花可圖香難圖  
君能圖蘭圖香無圖蘭僅乃得其象世人所識  
都皮相請君放筆圖花神枝枝葉葉香可聞許  
君荅云是所貴男兒真賞在氣味

